

Oqaluuserisassat:

Imm. 01 Oqaluuserisassat akuersissutigineqarneri

**Aningaasaqarnermut tunngasut**

Imm. 3.1 2018-imiit 2024 tungaanut Sisimiuni Maniitsumilu sanaartukkanut naatsorsuutit sisamat aamma 2024-miit 2025-mut sanaartukkanut aningaasaliissutinik atunngitsuukkanik nuutsineq

Imm. 3.2 Minngortuunnguup Atuarfiani Nalunnguarfiullu Atuarfiani Paaqqinnittarfiit ataatsimoortinneqarneri

Imm. 3.3 Meeqquerivimmi sunngiffinnilu ornittakkani aputaajaasarneq

Imm. 3.4 ESANI-p eqqagassanik eqqaaneranut ingerlatsinermut aningaasartuutit

**Suliassat naliginnaasut**

Imm. 4.1 Qeqqata Kommuniani nunaminertanut pilersaarusionernullu sulianut tunngatillugu akitsuutinut ileqqoreqqusassatut siunnersuut

Imm. 4.2 Angallatinik qaqitsisarnermut aamma containerinik inissiisarnermut kommunip malittarisassatut nutaanut allannguutaasinnaasunullu siunnersuut

Imm. 4.3 Meeqqat Toqqissillutik Ornittagassaat (MTO) suliffeqarfik imminut ingerlatittumut allanngortinneqarnissaa

Imm. 8.1 Tamalaat

Ataatsimiinneq videokonference atorlugu ingerlanneqassaq nal. 08.30

***Atassut***

Siverth K. Heilmann

***Inuit Ataqtigiiit***

Juliane Enoksen

***Siumut***

Malik Berthelsen

Evelyn Mølgaard

Abel Enoksen

***Peqataanngitsoq***

Siverth K. Heilmann

**Imm. 01 Oqaluuserisassat akuerineqarneri**

**Aalajangiineq**

Oqaluuserisassat akuersissutitigineqarput.

**Imm. 3.1 2018-imiit 2024 tungaanut Sisimiuni Maniitsumilu sanaartukkanut naatsorsuutit sisamat aamma 2024-miit 2025-mut sanaartukkanut aningaasaliissutini atunngitsuukkanik nuutsineq**

*Journalnr. 06.02.01*

Tunuliaqutaq

Sanaartugassatut suliassani ingerlanneqartuni sulilunniit aallartinneqanngitsuni ilanngussaq x-mi ilanngunneqartuni 2024-mi missingersuutiniit 2025-mi missingersuutiniit sanaartukkanut aningaasaliissutini atunngitsuukkaniit nuutsisoqarnissaa pillugu Teknikkeqarnermut immikkoortorta q matumuunakkut nassiussivoq.

Sisimiuni Maniitsumilu sanaartugassatut suliassani naammassisani tullinnguttuni sanaartornermut naatsorsuusiortoqarnikuvoq:

- 500005\_004 Kangerlussuarmi uffarfiit
- 500077 Ilaqutariinnik inerisaavik Maniitsoq
- 500082 Nipilersornermik ilinniarfik / atuakkanik atorniartarfik
- 500096 Maniitsumi sulisunut inissiat

Maleruagassatigut tunngavissaq

Karseqarnermut naatsorsuuserinermullu malittarisassat. Sanaartornermut tunngasut TA-mit akisussaaffigineqarput.

Sanaartukkanut sanaartornermut naatsorsuusiortoqartartussaavoq. Sanaartornermi naatsorsuutit Teknikkeqarnermut ataatsimiititaliamit, Aningaasaqarnermut ataatsimiititaliamit Kommunalbestyrelsimiillu akuersissutigineqartussaapput, malitsigisaanillu kukkunersuisunit atsiorneqarlutik.

Pissutsit atuuttut

**Sanaartukkanut naatsorsuutit**

Ataani eqitsimmi aningaasanik sinaakkutitalimmik sanaartornermilu aningaasartuutivinnik allassimasunik sanaartugassatut suliassat tullinnguuttut naammassereerput atorneqalereerlutillu:

Atuiffiup taaguutaa	Sanaartornissami aningaasaliissutit, Kr	Sanaartornermut aningaasartuutit, Kr	Nikingassut
500005_004 Kangerlussuarmi uffarfiit	5.120.000	4.125.139,46	+ 19%
500077 Ilaqutariinnik inerisaavik, Maniitsoq	15.803.000	15.154.926	+ 4%
500082 Nipilersornermik ilinniarfik	38.393.220	37.896.001	+ 1%
500096 Maniitsumi sulisunut inissiat	31.100.000	30.024.061	+ 3%
Kommunip aningaasartuutaani nikingassutit katillugit	Tamakkiisumik aningaasaliissutiniit % - inngorlugu QK atuvallaarnera		+ 3%

Aningaasaliissutit nikingassutaanik naatsorsuineq siulequtaasa isumai atorlugit, - = sippuilluni atuneq, + = atuinikinneq.

Sanaartornermi suliassat nuutsinneqarnissamut qinnutigineqartut takussutissiami ilanngussaq 5-imi qalipaasorneqarput.

Suliami Sisimiut Maniitsullu eqqaani sanaartorerit kiisalu ataatsimoorussamik suliassat pineqarput.

Quleriiaani "Oqaaseqaatit" ataani sanaartugassanut pilersaarutini aningaasanik atunngitsuukkanik nuutsitsinissamik kissaatigineqarnerit sumiiffinni allassimapput.

Illunik nutarsaanernut, Avatangiisinillu tapiissutinut ukiumut aningaasaliiffigineqartartunut atunngitsuukkanut nuutsinissaq qinnuteqaatigineqanngilaq, ukiumoortumik ingerlatsinermut aningaasaliissutaanerorpasimmata aammalu Ingerlatsinermut immikkoortortamit ingerlanneqartuullutik.

Suliniutinut naammassisanut inaarutaasumillu akileriikkanut aningaasanik atunngitsuukkanik nuutsisoqarnissaanik qinnuteqartoqanngilaq.

#### Atuilluartuunissakkut kingunerisinnaasai

Sanaartornermut tunngasut naatsorsuusiorneqarnissaat kukkunerisiuisunit piumasarineqarpoq.

#### Aningaasaqarnikkut allaffissornikkullu kingunerisinnaasai

Naatsorsuutit naammassineqartut malitsigisaanik kukkunerisiuisunit akuerineqartussat.

Namminersorlutik Oqartussanik tapiiffigineqartumik sanaartugassatut suliassani, sanaartornermut naatsorsuutit kukkunerisiuisut atsiugaasa assilinerat Namminersorlutik Oqartussanut nassiunneqassaaq.

Sanaartornermi suliassanut sippuilluni atuneq karsimiittuutinit matussuserneqartarpoq, sanaartornermilu suliassanut atuinikinnerunerit karsimiittuutinut utertinneqartarlutik.

Sanaartukkanut isumaqatigiissuteqarfioersunut naammassinninnissamut kommuni pisussaaffeqarpoq. Sanaartugassanut entreprenørinut suli isumaqatigiissusiorfiunngitsunut, suliniut pisariaqartutut isigineqarunnaarsimappat maannamut killiffiani unitsinneqarsinnaavoq, kisianni siunnersortinut akissarsiarititat suliniutip unitsinneqarfiani killiffiup tungaanut akilerneqassapput. Suliniutinut suli aallartinneqanngitsunut sanaartugassatut kissaat pillugu paasissutissanik amerlanerusunik amigaateqarfiusuni aammalu sanaartornissamut pilersaarutitaqanngitsuni, suliniut kissaatigineqarunnaarsimappat sulianut taakkununga isumaqatigiissutinut pisussaaffinnik isumaqatigiittoqarnikuunaniluunniit, aningaasanik nuutsinissaq pinngitsuuginnarneqarsinnaavoq.

Entreprenørinut akiliutigineqartussat akilerneqareerpata kiisalu ukiup ataatsip ingerlanerani amigaatit iluarsinissaat naammassineqarsimalerpata, sanaartornermi suliassanut naammasseriikkanut sanaartornermut naatsorsuutit suliarineqassapput.

#### Allaffeqarfiup naliinnera

##### **Sanaartukkanut naatsorsuutit**

#### Kangerlussuarmi kommunip illuutaani uffarfinni naternik nutarsaaneq

Uffarfinni naternik nutarsaaneq illunut tullinnguuttunut suliarineqarput: B-2048, B-2049, B-2050, B-2051, B-2068, B-2069, B-2081, B-2082, B2088, B-2089, B-2090, B-2101, B-2102 aamma B-2103. INI A/S-imit qinnuiginninneq malillugu aningaasaqarnikkut peqataanissamut kommuni akuersaaarnikuuvoq, ineqarnermut immikkoortortap taassuma mikisup nutarsaalluni suliassaq kisimiilluni naammassisisinnaanngimmagu. Entreprenørinut missiliuut C malillugu aningaasaliisoqarpoq, naatsorsuereermermi paasinarsivoq, naatsorsuutigisamiit nutarsaalluni suliaq akikinnerusoq. Sanaartukkanut naatsorsuutit takutippaat, 994.860,54 koruuninik atuinikinnerusoqartoq. Tassa imaappoq, aningaasaliissutaasuniit 19 procentimik atuinikinneruneq.

### Ilaqutariinnik inerisaavik, Maniitsoq

Aningaasaliissutaasunit tamakkiisuniit 4 procentimik, aningaasanngorlugu 648.074 koruuninik atuinikinnerusoqarpoq. Ilaqutariinnik inerisaavik atorneqalereerpoq. Suliassat tamarmik tunniunneqareerput aammalu ukiup ataatsip qaangiunnerani misissuisoqareernikuvoq. Atuinikinneruneq sanaartorfimmut (aallartitsineq), akit qaffannerinut, ukiuunerani sulianut kiisalu aningaasartuutitut siumut ilisimangisanut atuinikinnerunermik peqquteqarneruvoq. Sanaartorneq m2-mut 37.293 koruuninik akeqarnikuvoq.

### Sisimiuni Kulturikkut illorsuarmik alliliineq, nipilersornermik ilinniarfik/atuakkanik atorniartarfik

2017-imi kommunalbestyrelsimit aningaasaliissut siullermik aningaasaliisoqarnerata kingorna, suliniummut arlaleriarluni aningaasaliiffigeqqinneqartarnikuvoq. Siunnersuutitut atugassamut atatillugu missiliuut C tunniunneqartoq malillugu ilassutitut aningasaliissutit siulliit tunniunneqarnikuupput. Sanaartukkatut suliassanit allanit aningaasaliissutinik nuutsinikkut pingaarnertut suliniutip kingorna aningaasaliissutit qaffanneqarput. Suliarineqarnissaanut pisariaqartut amigaataasut malillugit ilassutitut aningaasaliissutit kingulliit marluk tunniunneqarput, ksianni suliniummut ilanngunneqarnikuusimangillat. Amigaataasunik iluarseeerernerup kiisalu immikkoortumik asfalterisoqareernerata kingorna 497.219 koruuninik atuinikinnerusoqarpoq. Suliniut siulleg 75-51-11, suliniummut 500082 kiisalu suliniummut 500258 aningaasaliissutit ataatsimoortinneqarnikuupput, naggataatigut aningaasaqarnera tamarmi suliniummi 500082-imi aqunneqalerluni. Atuinikinneruneq aningaasaliissutaasunit tamarmiusunit 1 procentitut annertussuseqarpoq, sanaartorneq m2-mut 36.426 koruuninik akeqarnikuvoq.

### Maniitsumi sulisunut inissiat aqqaneq-marluk

Kommunalbestyrelsi ukioq missingersuutiliorfiusumi 2019 aamma 2020-mi aningaasaliivoq, ukiumi 2019-imi 5.000.000 koruunit aamma ukioq 2020-mi 20.000.000 koruunit. Suliariumannittussarsiuussisoqareernerata kingorna 6.100.000 koruuninik ilassutitut aningaasaliissuteqartoqarpoq. Aningaasaliissutaasunit 3 procentinngorlugu 1.075.939 koruuninik atuinikinnerusoqarpoq. Illu sanaartorlugu naammassereerpoq 2022-milu atorneqalereerluni. Atuinikinneruneq aningaasartuutitik siumut ilisimangisani atuinikinnerunermik peqquteqarpoq. Aningaasat sinneruttut karsimut utertinneqassapput.

Sanaartugassat suliani sisamaasunut kommunip aningaasaliissutaannit tamakkiisuniit tamanut kommunimut atuinikinneruneq 3.216.092,54 koruuninik procentinngorlugu 3 procentinik annertussuseqarpoq.

### **Aningaasanik atunngitsuukkanik nuutsineq**

Ilanngussaq 5-imi eqitsimmi ERP-systemi malillugu sanaartugassani suliniutit normui malillugit tulleriarlugit allattorsimapput.

Annertussutsinut allanut ataani normoqarsinnaasuni naatsorsuutitut nuutsinernut suliniutip-normuinut ataasiakkaanut katillugit aningaasat atunngitsuukkanit inernera nuutsinermi aningaasartaavoq.

2024-mut sanaartugassanut ilanngaasereerlugit aningaasat atunngitsuukkat kr.195.054.992 koruuniupput, ilanngaasereerlugilli taamaallaat kr.191.211.017 koruuninik nuutsinissaq qinnuteqaatigineqarluni, tassani sanaartukkani naammassereersuni sinneruttunik nuutsinissamik qinnuteqartoqanngilaq, aningaasaliissutinilu ilanngaasereerlugit sinneruttut katillugit kr.3.843.978 koruunit karsimut utertittussaallutik.

Suliassatut saqqummiussaq una TA ataatsiminnerani UT 01 25-imi angumersinnaaniassamat ulloq 05.02.25 2024-mut naatsorsuutitut kisitsisaagallartut malillugit tulleriaarneqarpoq. Ullup taassuma kingorna naalernerani akiligassissutit naatsorsuutitut ikkunneqassappata ilanngussaq 5-mi aningaasartai nalimmassarneqassapput.

### Innersuussut

Teknikkeqarnermut ataatsimiititaliamut, Aningaasaqarnermut ataatsimiititaliamut Kommunalbestyrelsimullu innersuussutigineqarpoq:

- sanaartornermi naatsorsuutit sisamat siulianiittut akuersissutigineqassasut
- 2024-mi missingersuutinit sanaartornermut aningaasaliissutinik atunngitsuukkanik katillugit kr.191.211.017 korusuninik 2025-mut nuutsisoqassasoq, ilanngussaq 5-imi tulleriaarlugit allanneqarnikuusutut sanaartugassatut pilersaarutini ataasiakkaani aningaasat agguataagaallutik

### Teknikkeqarnermut ataatsimiititaliap suliamik suliarinninnera

Ataatsimiititaliap 13. februar 2025 ataatsimiinnerani innersuussutigineqartut akuersissutigineqarput.

### **Innersuussut**

Teknikkeqarnermut ataatsimiititaliap Aningaasaqarnermut ataatsimiititaliamut Kommunalbestyrelsimullu innersuussutigivaa akuereqqullugu,

- sanaartornermi naatsorsuutit sisamat siulianiittut akuersissutigineqassasut
- 2024-mi missingersuutinit sanaartornermut aningaasaliissutinik atunngitsuukkanik katillugit kr.191.211.017 korusuninik 2025-mut nuutsisoqassasoq, ilanngussaq 5-imi tulleriaarlugit allanneqarnikuusutut sanaartugassatut pilersaarutini ataasiakkaani aningaasat agguataagaallutik

### **Aalajangiineq**

Innersuussutigineqartut akuersissutigineqarput.

### **Ilanngussaq**

1. Ilanngussaq 1, Suliniut 500005\_004 Kangerlussuarmi kommunip illuutaani uffarfimmi naternik nutarterineq
2. Ilanngussaq 2, Suliniut 500077 Ilaqutariinnik inerisaavik, Maniitsoq
3. Ilanngussat 3, Suliniut 500082
4. Ilanngussaq 4, Suliniut 500096 Maniitsumi sulisunut inissiat
5. Ilanngussaq 5, Eqitsit, Sanaartugassanut aningaasaliissutinik atunngitsuukkanik 2024-mi missingersuutinit 2025-mi missingersuutitut nuutsinernut atuiffiit aningaasartaalu.

### **Imm. 3.2 Minngortuunnguup Atuarfiani Nalunnguarfiullu Atuarfiani Paaqqinnittarfiit ataatsimoortinneqarneri**

*Journalnr.: 51.15.01*

#### Tunuliaqutaq

Minngortuunnguup Atuarfiani 1 klassinut paaqqinnittarfimmi inissakilliorneq inillu naammaginanninnerat pillugit atugassarititaasut pitsannornissaat sivisuumik kissaatigineqarnikuvoq.

Sunnigiffimmi ornittagaq Sukorsit (arfinilinniit 13-it tikillugit ukiulinnit orninneqarsinnaasoq) 2024-mi ukiami Nalunnguarfiup Atuarfianiit allamut nuutsinneqarpoq. Taassuma kingorna ininik atunngitsunik inissaqalerpoq, Minngortuunnguullu Atuarfiata paaqqinnittarfia piffissami misiliutaasumi tassunga nuunneqarnissaanik periarfissiilluni.

Nuunneq Ilinniartitaanermut immikkoortorta, atuarfinni aqutsisut atuarfinnilu marluusuni paaqqinnittarfimmi sulisut suleqatigalugit allaffissornikkut ingerlanneqarpoq.

#### Maleruagassatigut tunngavissaq

Kulturikkut sunnigiffimmi ingerlatsineq pillugu Inatsisartut inatsisaat nr. 5, 6. juni 2016-imeersumi kap. 5.

#### Pissutsit atuuttut

- Minngortuunnguup atuarfiani Nalunnguarfiullu atuarfiani paaqqinnittarfiit 2024-mi oktoberip aallaqqaataannit Nalunnguarfiup Atuarfiani ini atorneqanngitsuni ataatsimoortinneqalerput.
- Paasititsiniaalluni ernumaataasinnaasunillu aaqjiinialuni sulisunik angajoqqaanillu ataatsimiisitsisoqarpoq.
- Atuartut Minngortuunnguup Atuarfianit Nalunnguarfiup Atuarfiani paaqqinnittarfimmukaraangata sulisunit ingerlaqateqartarnissaasa qulakkeernissaat angajoqqaanik kissaatigineqarpoq. Tamanna atuutilersinneqarpoq, naammaginartumillu ingerlalluni.
- Sulisut angajoqaallu inissisimaffimmut nutaamut naammagisimaarinnipput.

#### Atuilluatuunissakkut kingunerisinnaasai

- Ilikkagaqarnissamut avatangiisit pitsaanerusut: Init anginerusut atuareernerup kingorna perorsaanikkut sammisassaqaqtitsinissamik periarfissiinerusarput.
- Sulisoqarnikkut pitsaassutsip qaffannera: Ataatsimoortinneqarnikkut meeqqamut ataatsimut sulisoqarnikkut naammattunik nukissaqarneq qulakkeerneqassaaq, taamaalilluni amerlassusiligaaneq pitsaanerulissalluni.
- Nukinnik atuneq pitsaanerusoq: Allanik sanaartortitsinngikkaluarluni ininik atugassarititaasunik pitsannorsaaq.

#### Aningaasaqarnikkut allaffissornikkullu kingunerisinnaasai

Paaqqinnittarfinnut neqeroorutit marluk allaffissornikkut ataatsimoortinneqarput, Nalunnguarfiup Atuarfiata ataani ataatsimut aqunneqarlutik.

- Sulisunik ikilisaaneq: Maannamiit ulloq naallugu atorfiit 4+4-sut (katillugit arfineq-pingasut) ataatsimut arfineq marlungussapput.



- Ikilisaaneq nalinginnaasumik pissaaq, taamaasinikkut soraarsitsinerit minnerpaaffimmiinneqassallutik.
- Missingersuutinik nuutsineq:
  - Minngortuunnguup Atuarfianit paaqqinnittarfimmut missingersuutit Nalunnguarfiup Atuarfianut nuutsinneqassapput.

Minngortuunnguup Atuarfiani paaqqinnittarfimmut missingersuutit Nalunnguarfiup Atuarfianut nuutsinneqassapput. Ilutigalugu ulloq naallugu atorfik ilanngullugu aningaasarsianut aningaasartuutit annikillisinneqassapput.

Atuiffiup normua	Atuiffiup taagutaa	Aningaasaliissutit	Ilassut	Nutaamik aningaasaliineq
571030301	122010102	- 1.000.000 kr.		
571030302	122010302	+ 1.000.000. kr.		
	<b>Katillugit</b>			

### Allaffeqarfiup naliinnera

Ataatsimuulernerq Sisimiuni paaqqinnittarfimmut neqeroorumi pitsaanerulersitsinissaa allaffimmit nalilerneqarpoq.

- Init pitsaanerusut: Init anginerit pisatsersugaalluarnerillu.
- Perorsaanikkut periarfissat amerlanerusut: Nutaaliornissamat timimillu aalatitsinissamat sinaakkutit pitsaanerusut.
- Meeqqamat ataatsimut sulisut amerlanerit: Perorsaanikkut eqaannerulerneq pitsaassutsillu qaffannera.
- Sunniuteqarluartumik isumalluutinik iluaquteqarneq: Ataatsimuulersitsineq aningaasaqarnikkut aaqqissuusaanikkullu iluaqutaassaaq.

### Innersuussineq

Ilinniartitaanermut ataatsimiititaliamut, Aningaasaqarnermut ataatsimiititaliamut Kommunalbestyrelsimullu innersuussutigineqarpoq:

- Minngortuunnguup Atuarfiani Nalunnguarfiullu Atuarfiani paaqqinnittarfinni ataatsimuulersitsineq ataavartunngorlugu akuerineqassasoq.
- Ulloq naallugu atorfiit 4+4-sut ataatsimut arfineq marlungussasut.
- Ataatsimut paaqqinnittarfimmi aqutsisoq Nalunnguarfiup Atuarfiani pisortaq qaninnertut qullersarilissagaa.
- Minngortuunnguup Atuarfianit missingersuut Nalunnguarfiup Atuarfianut nuunneqassasut.

### Ilinniartitaanermut ataatsimiititaliap suliamik sularinninnera

Ataatsimiititaliap 11. februar 2025 ataatsimiinnerani aalajangiunneqarpoq ataatsimiititaliami ilaasortanit pingaartinneqarpoq sulisunit soraarsitsisoqassanngitsoq. Ilinn. Ataatsimiititaliami ilaasortat siunnersuutigaat, ningiut marluk inissinneqassasut; ningiu aamma ningiu tullersorti. Atorfiit taakku arfineq pingasut (4 + 4), nammineq qinerlugu soraarnerup kingorna (ningiu & ningiu tullersortaa) atorfik qinnutigineqaaqqissanngilaq, tassani atorfiit arfineq marluk atuutilissamat. Tamanna Aningaasaqarnermi Ataatsimiititaliap akuersissutigisinnaappagu Ilinn. Ataatsimiititaliap innersuut akuersissutigaa.

### **Innersuussut**

Ilinniartitaanermut ataatsimiititaliap aningaasaqarnermut ataatsimiititaliamut

Kommunalbestyrelsimullu innersuussutigivaa akuereqqullugu,

- Minngortuunnguup Atuarfiani Nalunnguarfiullu Atuarfiani paaqqinnittarfinni ataatsimuulersitsineq ataavartunngorlugu akuerineqassasoq
- Ulloq naallugu atorfiit 4+4-sut ataatsimut arfineq marlunngussasut, nammineq soraartoqarneratigut
- Ataatsimut paaqqinnittarfinni aqutsisoq Nalunnguarfiup Atuarfiani pisortaq qaninnertut qullersarilissagaa.
- Minngortuunnguup Atuarfianit missingersuut Nalunnguarfiup Atuarfianut nuunneqassasut

### **Aalajangiineq**

Innersuussutit akuersissutigineqarput.

### **Ilanngussaq**

Soqanngilaq

### **Imm. 3.3 Meeqquerivimmi sunngiffinnilu ornittakkani aputaajaasarneq**

*Journalnr. 23.02.18*

#### Tunuliaqutaq

TAI Sannavik Aputaajaasarnermut atuiffik Meeqqueriviit Aputaajaasarnermut atuiffimmut aputaajaasarnermut atuiffiup nuutinneqarnissaa Meeqqeriveqarnermut immikkoortortamit noqqaassutigineqarpoq. 2024-mi aputaajaasarnerup pitsaanerpaamik pingaarnersiorneqartannginnera, pingaartumik qimaaffissianut isaarianullu pingaaruteqarluinnartunut atatillugu, noqqaassuteqarnermut tunngavigineqarpoq. Amigartumik pingaarnersuisarnerup kinguneraa, immikkoortut pineqartut naammaginangitsumik aputaajarneqartarnerat, tamannalu meeqqanut sulisunullu sillimaniarnermut annertuumik navianartorsiortitsilluni.

Siusinnerusukkut meeqqeriviit sunngiffimmilu ornittakkat namminerisamik aputaajaasarnermut atuiffeqarsimapput. 2024-mi suliassat qitiusumit suliarineqartarnissaat siunertaralugu TAI Sannavik ataanut atuiffiit taakku ataatsimoortinneqarput. Taamatut aaqqiissuteqarnerup naapertuutinnginnera misilittakkat takutippaat, pingaartumillu meeqqerivinnut pisut ajorseriaannarsimallutik. Taamaattumik akisussaaffiup tigoqqinnissaanut meeqqeriveqarnermut immikkoortortaq kissaateqarpoq, taamaalillunilu pitsaanerpaamik pingaarnersiuisinaaq nakkutilliisinaanissarlu qulakkeerniarlugit ataasiakkaatut aputaajaasarnermut atuiffiit pilerseqqinniarlugit.

#### Maleruagassatigut tunngavissaq

- Qeqqata Kommuniaut karseqarnermut naatsorsuuserinermullu najoqqutassiaq.
- Illuutinut malittarisassat 2006

#### Pissutsit atuuttut

Meeqqeriveqarnermut immikkoortortaq sinnerlugu aputaajaasarnermik suliassamik Teknikkeqarnermut Avatangiisinullu immikkoortortaq (TAI) aputaajaasarnermik isumaginnittarnikuvoq. Utertitsivigineqartarnernissamik aammalu aputaajaasartunut attaveqartannginneq siusinnerusukkut unamminartoqartinneqarmat TAI Sannavimmit suliassaq isumagineqartarnikuvoq. Tamatuma saniatigut meeqqerivinni sulisussaaleqisarneq patsisaalluni pitsaanerpaamik aputaajaasarnerup isumagineqartarnissaa ajornakusoortitsisimavoq. 2024-p kingorna TAI Sannavimmit aputaajaasarnissaaq sulisussaaleqineq aammalu meeqqerivinnik naammaginangitsumik pingaarnersuisannginneq patsisaalluni isumagisinnaanngikkaat ersarissivoq. Taamaattumillu meeqqeriveqarnermut immikkoortortaqarfimmit aputaajaasarnermut akisussaaffiup utertinneqarnissaanik naliliivoq, aningaasaliissutillu tamakkerlugit meeqqeriveqarnermut immikkoortortaqarfimmi atuiffimmut nutaamut nuutinneqarnissaat kissaatigalugu. Taamaaliornikkut meeqqeriveqarnermut immikkoortortaq aputaajaasarnermik pitsaanerusumik nakkutiginnissinnaalissaaq aammalu immikkoortut pisariaqartut piffissaagallartillugu aputaajarneqartarnissaat qulakkeertassallugu.

#### Aningaasaqarnikkut allaffissornikkullu kingunerisinnaasai

Aputaajaasarnermut aningaasaliissutit meeqqeriveqarnermut immikkoortortamut nuutinneqarneratigut meeqqerivinnut ataasiakkaanut aputaajaasarnermut atuiffinnik nutaanik pilersitsisoqassaaq. Aningaasaliissutit nuunneqartussat takussutissartaat:

TAI sannavik atuiffik:

562040800-0903010000-122099510-010580

**Aningaasaqarnermut ataatsimiititaliap ileqquusumik ataatsimiinnera 01 ulloq 18. februar 2025  
imaqarniliornera**

<b>GLN</b>	<b>Meeqqerivik:</b>	<b>Aputaajaaneq:</b>
	Meeqqeriviit Stab	Kr. 100.000
	Meeraaqqerivik Nuka, immikkoortoq 11	Kr. 31.000
	Sunng. orni. Naasoq, Aku.meeqq. Naalu, Immikkoortoq 9	Kr. 19.000
	Ornittaaq Sikkersoq, immikkoortoq 10	Kr. 38.050
	Nattoralinnguaq Akia	Kr. 19.000
	Aku.meeqq. Kanaartaq, immikkoortoq 10	Kr. 38.000
	Aku.meeqq. Naja/Aleqa, immikkoortoq 5	Kr. 10.000
	Aku.meeqq. Ungaanguaq, immikkoortoq 6	Kr. 22.000
	Aku.meeqq. Nuniaffik, immikkoortoq 8	Kr. 3.000
	Aku.meeqq. Uiaq, immikkoortoq 7	Kr. 19.000
571040100-0903010000-122099510 Katillugit: Meeqqerivinni atuiffimmut aningaasaliissutit nuunneqartussat		<b>Kr. 300.000</b>

Atuilluartuunissakkut kingunerisinnaasai

Aningaasaliissutinik nuussineq pitsaanerusumik pingaarnersiunerimik aammalu patajaannerusumik aputaajaanermik isumaginninnermik qulakkeerissaq.

Allaffeqarfiup naliinnera

Allaffeqarfik naliliivoq, aputaajaasarnermut akisussaaffik Meeqqeriveqarnermut immikkoortortamut nuutinneqarpat aningaasaqarnikkut naammassisaqarsinnaanikkullu pitsaanerussasoq. Taamaaliornikkut meeqqeriviit tamarmik pisariaqartinneqartumik aputaajarneqartarnissaannut, pingaartumik isertarfiit qimaaffissiallu nalai, pitsaanerusumik qulakkeerinninnissamut periarfissaqassalluni. Tamanna sillimaniarnermik pitsangorsaaginnarani aammali suliassap pingaarnersiorneqarnissaanik patajaannerusumillu isumagineqarnissaanik qulakkeerinnissalluni.

Innersuussut

Allaffeqarfiup innersuussutigaa:

1. TAI Sannavik Aputaajaasarnermut atuiffik 562040800-0903010000-122099510-010580-imit Meeqqerivinni Aputaajaasarnermut atuiffik [571040100-0903010000-122099510](#)-mut aningaasaliissutinik 307.463 koruunit nuutinneqarnissaannut akuersissutigineqassasoq
2. Atuiffik 571040100-p iluani meeqqerivinnut aputaajaasarnermut autiffimmik pilersitsisoqassasoq, aammalu suliassamik pitsaasumik suliariumannittussarsiuussinissamut allaffik akisussaasoq periarfissineqassasoq. [571040100-0903010000-122099510](#)
3. Suliaq Aningaasaqarnermut Ataatsimiititaliamut aamma Kommunalbestyrelsimut inaarutaasumik akuersissangorlugu ingerlateqqinneqassasoq

Ilinniartitaanermut ataatsimiititaliap suliamik sularinninnera

Ataatsimiititaliap 10. februar 2025 ataatsimiinnerani Aningaasaqarnermut Ataatsimiititaliamut ingerlateqqitassangorlugu Akersissutigineqarput.

### **Innersuussut**

Ilinniartitaanermut ataatsimiititaliap Aningaasaqarnermut ataatsimiititaliamut  
Kommunalbestyrelsimullu innersuussutigivaa akuereqqullugu,

1. TAI Sannavik Aputaajaasarnermut atuiffik 562040800-0903010000-122099510-010580-  
imit Meeqquerivinni Aputaajaasarnermut atuiffik 571040100-0903010000-122099510-mut  
aningaasaliissutinik 307.463 koruunit nuutinneqarnissaannut akuersissutigineqassasoq
2. Atuiffik 571040100-p iluani meeqqerivinnut aputaajaasarnermut autiffimmik  
pilersitsisoqassasoq, aammalu suliasamik pitsaasumik suliariumannittussarsiuussinissamut  
allaffik akisussaasoq periarfissinneqassasoq. 571040100-0903010000-122099510
3. Suliaq Aningaasaqarnermut Ataatsimiititaliamut aamma Kommunalbestyrelsimut  
inaarutaasumik akuerisassanngorlugu ingerlateqqinneqassasoq

### **Aalajangiineq**

Innersuussutit akuersissutigineqarput.

### **Ilanngussat**

Soqanngilaq

### **Imm. 3.4 ESANI-p eqqagassanik eqqaaneranut ingerlatsinermut aningaasartuutit**

*Journalnr. 06.02.01*

#### Tunuliaqutaq

Qeqqata Kommuniata Kommune Qeqertalik, Kommuneqarfik Sermersooq aamma Kommune Kujalleq peqatigalugit kommunit ataatsimoorussamik eqqakkanut ingerlatseqatigiiffiat ESANI A/S-imik ingerlatsinermut isumaqatigiissut atsiorneqarpoq. Eqqakkanik igitsinermut ESANI A/S-imut ukiumoortumik akiliuteqartarneq isumaqatigiissummi agguataarneqarpoq. Qeqqata Kommunianut tunngatillugu 2020-mi akit naapertorlugit 4.079.384 kr.-it isumaqatigiissutaapput.

#### Maleruagassatigut tunngavissaq

Qeqqata Kommunianut karseqarnermut naatsorsuuserinermullu malittarisassat. Kommunit ESANI-llu akornanni ingerlatsinermut isumaqatigiissut.

#### Pissutsit atuuttut

ESANI-p Nuummi eqqagassaleriffia 2024-mi upernaakkulli ingerlanneqalerpoq, aamma – maannamut pilersaarutaagallartoq naapertorlugu – Sisimiuni eqqagassaleriffiup nutaap marsip qaammataani sapaatip akunnera 13-imi illoqarfimmi eqqakkanik nalinginnaasunik tigooraalluni aallartisarneqarnissaa naatsorsuutigineqarpoq. Ungasissumiilli kiassarnermut ledningit aasaanerani eqqagassaleriffimmut nutaamut attaveqalersinnissaat naatsorsuutigineqarpoq. Taamaattumik kommunimi eqqagassaleriffimmiit ungasissumiit kiassarnerup akigitinneqarnera ikaarsaarfiup nalaani attanneqartariaqarpoq. Eqqakkanik ikuallaanikkut imaluunniit uuliakunik ikuallaanikkut.

Nuummi eqqagassaleriffimmi nutaami ilinniarnissamut periarfissaq kommunimi eqqagassaleriffimmiit sulisut quliusut akornanni arfinillit atorluarusuppaat kingornalu Sisimiuni ESANI-p eqqagassaleriffianut ingerlatinneqassallutik. Taamaalillutik sulisut siulliit marluk ESANI-mut nuuttussat marsip ulluisa aallaqqaataanni pissasut naatsorsuutigineqarpoq. Ikaarsaarfimmi suliassat kivinneqarsinnaaniassammata kommunimi eqqagassaleriffimmi sulisoqatigiit ataavartumik naleqqussarneqassapput, matumani ungasissumiit kiassarnerup akigitinneqarnera ilanngullugu.

Eqqagassat ikuallanneqarsinnaasut tamaasa ESANI-mi eqqagassaleriffimmut, illoqarfiullu ungasissumit kiassarneranut attaveqalerluni tunniunneqariapat, kommunimi ikuallaavik atorunnaarsinneqassaaq. Siunissami Sisimiuni tigooraaviup pilersinnissaa ingerlanneqarnissaalu kommunip suliassarissusaavaa, eqqagassat ikuallatassaannaat ESANI-mut tunniunneqarnissaat eqqagassallu navianartut umiarsuarmik assartortinnissaat qulakkeerlugit. Peqataanik saviminikunut eqqaavissuup ammasarfiisa kommunimit akisussaaffigilerneqassanersoq isumaliutigineqartariaqarpoq, kisianni immikkoortiterinertaa umiarsuakkullu assartuussartai suliffiup avataani entreprenørimut imaluunniit ESANI-mut isumagitillugit. Kommunip illoqarfiini nunaqarfiinilu suliassarineqartortaaq tassaavoq, tigooraaviit ingerlanneqarnerat aamma eqqagassanik navianartunik Danmarkimut umiarsuakkut nassiussuinerit – soorlu maannamut taamaattoq – tamatumalu saniatigut eqqagassat ikuallanneqarsinnaasut ESANI-mut umiarsuakkut nassiullugit.

#### Atuilluartuunissakkut kingunerisinnaasai

Pitsaanerpaamik angusaqarniarluni kommunit ataatsimoorussamik pisariaqartitanik annertuunik ingerlatsillunikkut iluanaaruteqarnissaq siunertarlugu aalaajangiunneqarpoq, Kalaallit Nunaanni

eqqagassalerineq ESANI-mit tiguneqassasoq ingerlanneqarlunilu. Pitsaasumik ingerlalluartumillu eqqagassalerineq peqqissutsimut aammalu avatangiisinut pitsaasumik kinguneqartarpoq.

**Aningaasaqarnikkut allaffissornikkullu kingunerisinnaasai**

Aningaasaqarnikkut kingunerisassai ingerlatsinermut isumaqatigiissusiornikkut akuersissutigineqareerput, taakkulu 4,9 mio. kr.-inik nalillit missingersuutinut 2025-imut ilassutitut aningaasaliissutitut inissinniarneqarput.

Afdeling	Formål	Art	Sted	Tekst	Bevilling 2025	Tillæg 2025	Ny bevilling 2025
562040700	1001025001	122090800	010500	driftaftale ESANI	0	4900000	4900000

ESANI-p eqqagassaleriffia allaffissornerup tungaatigut kommunimi sulisut eqqagassanik eqqaanermiik suliaqartut Sisimiuni ikilisinneqarnerinik kinguneqassaaq. Maannakkorpiaq sulisut qanoq amerlatigisut pineqarnerisut qulaajarneqanngillat. Piffissami 2026-2028 Maniitsumut Sisimiunullu eqqagassalerinerup tamakkiisumik, missingersuutilerisoqannginnerani nalilersorneqarnissaa pisariaqarpoq, tassani ingerlatsinermut aningaasartuutit eqqagassanullu akileraarutit nalimmassarneqassallutik.

**Allaffeqarfiup naliinnera**

Eqqagassat ikuallanneqarsinnaasut biilillu atorsinnaanngitsut ESANI-p eqqagassaleriffiannut inissinneqarnissaannut februaarip ulluisa aallaqqaataanniit tunniussinissamut kommuni periarfissaqalersimavoq. Soorlu illoqarfimmi angerlarsimaffinniit eqqagassat marsip naaneraniit tigooraalernissaq naatsorsuutigineqartoq. Taamaalilluni allaffeqarfimmit naliliineq naapertorlugu ESANI-mik ingerlatsinermut isumaqatigiissutigineqartoq atuutilereerpoq, taamaalilluni eqqagassanik eqqaanermut ukiumoortumik akiliutissap immikkoortua siulleg naatsorsuiffigineqassasoq.

**Innersuussineq**

Teknikkimut Ataatsimiisitaliamut, Aningaasaqarnermut ataatsimiititaliamit Kommunalbestyrelsimiillu akuereqqullugu allaffeqarfiup innersuussutigaa:

-4,9 mio. kr.-inik 2025-imut ilassutitut aningaasaliisoqassasoq, kommunit aamma ESANI A/S-ip akornanni ingerlatsinermut isumaqatigiissutaat innersuussutigalugu

**Teknikkeqarnermut ataatsimiititaliap suliamik sularinninnera**

Ataatsimiititaliap 13. februar 2025 ataatsimiinnerani innersuussutigineqartoq akuersissutigineqarpoq.

**Innersuussut**

Teknikkeqarnermut ataatsimiititaliap Aningaasaqarnermut ataatsimiititaliamut Kommunalbestyrelsimullu innersuussutigivaa akuereqqullugu,

-4,9 mio. kr.-inik 2025-imut ilassutitut aningaasaliisoqassasoq, kommunit aamma ESANI A/S-ip akornanni ingerlatsinermut isumaqatigiissutaat innersuussutigalugu

### **Aalajangiineq**

Innersuussutigineqartoq akuersissutigineqarpoq.

### **Ilanngussaq**

1. Indlæsningsark
2. Isumaqatigiissut Esani



#### **Imm. 4.1      Qeqqata Kommuniani nunaminertanut pilersaarusionernullu sulianut tunngatillugu akitsuutitut ileqqoreqqusassatut siunnersuut**

*Journal nr. 16.03.00*

##### Tunuliaqutaq

Nunaminertanut pilersaarusionermullu sulianut kommuni akitsuutitut akiliisitsiniarnissamut, matumani nunaminertamut inniminniinermut, nunaminertamik akuersissummut, nunaminertamik atugassinneqarnermut aammalu suliniutitut qinnuteqarnernut pilersaarusionermut inatsimmi § 54, imm. 1 naapertorlugu, kommuni ileqqoreqqusaqareernissaaa piumasaqaataavoq. Taamaattumillu kommunip ingerlatsivianit akitsuutitut akiliisitsiniartarnermi ingerlatiinnarnissaanut kommunip ileqqoreqqusassaanik pilersitsinissaq nukingernarpoq. Ukiuni arlaqartuni akigititassat naapertorlugit kommunip akitsuutitut akiliisitsiniartarnera nalinginnaasuunikuuvoq, tamannali ingerlatsivimmik ingerlatsinermut naapertuunnanilu pilersaarusionermut inatsimmik unioqutitsineruvoq.

##### Maleruagassatigut tunngavissaq

Inatsisartut inatsisaat nr. 34, 9. december 2015 aamma Inatsisartut inatsisaat nr. 66, 20. november 2023-meersumit malinneqartumik allannguutitalerlugu Pilersaarusionerq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersumi § 53, imm. 1 aamma § 54, imm. 1-2

##### Pissutsit atuuttut

Nunaminertanut pilersaarutinullu sulianut tunngatillugu akitsuutitut kommuni akiliisitsinissaminut inatsisitigut ileqqoreqqusamik amigaateqarpoq.

Nunaminertanut pilersaarutinullu sulianut qinnuteqartunut atatillugu kommuni sullissinermut akitsuutitut akiliisitsinissamik kissaateqaruni, ileqqoreqqusaqarnissamut inatsisitigut piumasaqaatigineqartumut kommunalbestyrelsimit ukiumut akigititanik akuersissuteqartarnera taarsiutaasut atornerqarsinnaangilaq.

##### Atuilluartuunissakkut kingunerisinnaasai

Nunaminertanut pilersaarutinullu sulianut atatillugu artorsaataasinnaasunut kommuni pitsanngorsaasinnaavoq.

##### Aningaasaqarnikkut allaffissornikkullu kingunerisinnaasai

Ileqqorequsaqarnikkut nunaminertanut pilersaarutinullu sulianut kommuni akitsuuteqartarnerminik ingerlatitsiinnarsinnaavoq.

##### Allaffeqarfiup naliliinera

Teknikkeqarnermut Avatangiisinullu immikkoortortap innersuussutigaa, ileqqoreqqusassatut nutaatut siunnersuutaasut marluusut akuersissutigineqassasut kiisalu sapaatit akunnerini arfinilinni tamanit misissugassanngorneqarnissaat siunertaralugu kommunimi ileqqoreqqusaasut assingusut marluusut nutarterneqassasut kingornalu inaarutaasumik akuersissutigineqarlutik.

##### **Innersuussut**

Teknikkeqarnermut avatangiisinullu immikkoortortap innersuussutigivaa siunnersuut akuerisassanngorlugit Aningaasaqarnermut ataatsimiititaliamut Kommunalbestyrelsimullu saqqummiunneqassasoq,

- Qeqqata Kommuniata nunaminertanut pilersaarutinullu sulianut akitsuutitut ileqqoreqqusaq inaarutaasumik akuersissutigineqarnissaa siunertaralugu sapaatit akunnerini arfinilinni tamanit misissugassanngortinneqarnissaa akuersissutigineqassasoq

### **Aalajangiineq**

Innersuussutigineqartoq akuersissutigineqarpoq.

### **Ilanngussaq**

1. Qeqqata Kommuniani nunaminertanut pilersaarusiornernullu sulianut tunngatillugu akitsuutitut ileqqoreqqusassatut siunnersuut

**Imm. 4.2      Angallatinik qaqitsisarnermut aamma containerinik inissiisarnermut  
kommunip malittarisassatut nutaanut allannguutaasinnaasunullu siunnersuut**

*Journal nr. 16.03.00*

Tunuliaqutaq

Containerinut angallatinullu kommunip inissaatai pillugit kommune ingerlalluakannersunik malittarisassaqqarpoq. Ingerlatsivik pisariillisarniarlugu tamakku annikitsumik allannguuteqarfiginikkut nutarterneqarnerisigullu eqqornerulersinnerisigut malinnaatinneqartiariaqaraluarput, matumani naammagittaalliuuteqartarnermut ilitsersuutit kinguneqartsitsisinnaanermullu periarfissat kiisalu qularnaveeqqusiinissamut piumasqaatinik il.il. peerneqarnissaat ilanngullugit.

Kisianni kommunimi angallatinik qaqitsisarnermut aamma containerinik inissiisarnermut kommunip inissaatai taamaallaat kommunimik sumiiffinnillu pilersaarutini aalajangersakkani nalimmassagaapput. Nalimmassarineq siusinnerusukkut 2012-mit 24-p tungaanut kommunip pilersaarusiortifigineqarnerani "nalinginnaasumik aalajangersakkat"-nik taaneqartartuni annikitsuinnarmik pinikuuvoq. 2024-mit 48-p tungaanut Kommunip pilersaarutaanut kommunip pilersaarusiortneqarnerata nutarterneqarneranut atatillugu ukioq maanna maajip 30-anni nalinginnaasumik aalajangersakkat atorunnaarsikkatsigit, maannakkut 2024-mit 48-p tungaanut Qeqqata Kommuniata pilersaarusiortneqarnerata ilaatut aalajangersagaasunik kommunimi ilaatigut angallatinik qaqatsisarnermut aamma containerinik inissiisarnermut nutaamik assigiinnerusumillu nalimmassaanermik kommune maannakkut amigaateqarpoq. Kommunip malittarisassatut nutaanut siunnersuutit marluk taakku kommunip pilersaarusiortifigineqarnerani aalajangersakkanut pingaarnernut sukumiinnerusunullu tapertaassagaluarput.

Illup saqqaanut iikkersuutaanullu akuersissuteqartarnerit eqqarsaatigalugit kommunip najugaqarfittaani pingaartumik containerinut malittarisassat atugassaritaasullu pillugit nalinginnaasumik nalornissuteqartoqartarpoq, pigisanut qajannaarsukkat pigisanullu qajannaarsugaanngitsut akornanni ingerlatsivimminngaanniit pingaarutilittut immikkoortitsisarneq pissutigalugu nunaminertanik atugassiisarnernut paarlaanneqajuttaramik. Marlunnik malittarisassaqqarnikkut aammattaaq malittarisassatigut eqikkakkatigut ajornaatsutigut immikkoortumi assigiiaartoqarnerunissaa paatsuungasoqannginnerunissaalu qulakkeerneqassaaq aammattaaq angallatit containerillu pillugit atugassarititat periutsillu pillugit ingerlatsisarnermik ilisimasanik ilitsersuisarnerlu ajornannginnerusumik siammarterneqarsinnaassaaq.

Maleruagassatigut tunngavissaq

Qeqqata Kommuniani Kommunimut pilersaarut 2024-48

Pilersaarusiortarneq aamma nunaminertat atorneqartarnerat pillugit Inatsisartut inatsisaanni nr. 17, 17. november 2010-meersumi § 36 a, imm. 2.

Allaffissornikkut najoqqutassiaq Nalunaarutit Kommunimi ileqqoreqqusanut malittarisassat kap. 1, 2

Qeqqata Kommuniata Kommunip angallatinut qaqitsiviutaanut ileqqoreqqusaq 2016-imeersoq atuuttoq

Qeqqata Kommuniata Kommunip containerinut inissiisarfiinut ileqqoreqqusaq 2012-imeersoq atuuttoq

### Pissutsit atuuttut

Ukioq manna maajip 30-anni ingerlatsiviup kissaateqarneratigut takuuk imm. 4.2 ilaatigut 2012-imit 24-p tungaanut kommunip pilersarusiorfigineqarnerani Immikkoortup ilaanut 001-imit kommunalbestyrelsip akuersissuteqarnerani "nalinginnaasumik aalajangersakka" atorunnaarsinneqarput.

Qeqqata Kommuniani angallatinik qaqitsisarnermut malittarisassanut siunnersuut kommunip angallatinut qaqitsisarfiutaasa avataani kommunimi angallatinik qaqitsisarnermut aalajangersakkanik aalajangersaavoq aammalu malittarisassa 2024-mit 48-p tungaanut Qeqqata Kommuniata pilersaarutaata ilagilissavaa.

Qeqqata Kommuniani containerinik inissiisarnermut malittarisassanut siunnersuut kommunip containerinut inissiisarfiutaata avataani kommunimi containerinik inissiisarnermut aalajangersakkanik aalajangersaavoq aammalu malittarisassa 2024-mit 48-p tungaanut Qeqqata Kommuniata pilersaarutaata ilagilissavaa.

### Atuilluartuunissakkut kingunerisinnaasai

Ingerlatsivik eqqarsaatigalugu containernik angallatinillu atuisarnermut inissiisarnermullu atugassarititaasut malittarisassallu pillugit innuttaasunut inuussutissarsiutilinnullu sullissinermit paasisutissiinerimullu piffissarujussuaq maangaannartinneqartarpoq. Malittarisassanik nutaanik marlunnik allaffissornermi nukippassuarnik sipaarutaasusussaq aamma siunissami kommunimut sumiiffinnullu pilersarusiortarnermik ajornannginnerusumik sunnuteqarnerusumillu pissarsinissamut paasinninnissamullu immikkoortumi malittarissanut sukkanerusumik ersarinnerusumillu pullaveqarsinnaaneq qulakkeerenqassaaq.

### Aningaasaqarnikkut allaffissornikkullu kingunerisinnaasai

Kommune naammagittaalliorfigitippallaarunnaarlunilu paatsoorneqarpallaarunnaassaaq, tassani ingerlatsiviup nunaminertanik sullissisui aningaasaqarnikkut nukinnik atuilussinnarnermik akulikitsumik pisariaqanngitsumik artukkerneqartarlutik. Malittarisassanik marluusunik sullissisarneq aammalu siunissami kommunip pilersarusiorneqarnerani aalajangersakkanik sukumiisunik suliaqartarneq pitsaanerulissaaq, malittarisassani marluusuni angallatinik containerinillu nalimmassaaneq immikkoortumut pilersaarutituami/sumiiffimmut pilersaarutituami uteqqinnissaa pisariaqanngimmat paarlattuanilli sumiiffimmut ataatsimut katersorneqarmat. Pingaartumik Kommunip angallatinut qaqitsiviutaanut ileqqoreqqusami qularnaveeqqusiinissamut piumasaaqatip peerneqarneratigut aningaasaqarnikkut iluaqutaasumik allaffissornikkut isumalluutinut annertuumik oqilisaataassaaq.

### Allaffeqarfiup naliliinera

Allaffeqarfiup naliliinerivaa isumagalugulu, malittarisassanik marluusunik nutaanik akuersissuteqarneq kommunini angallatinik qaqitsisarnermut aammalu containerinik inissiisarnermut atugassarititaasut aalajangersakkallu pioreersut ersarnerluttooreersuni torernerusumik nalimmassarneqassasut. Malittarisassat sukumiinerusut taakku marluk kommunip malittarisassaataanut sinnerinut tulluurtumik tapertaassapput aammalu immikkoortumi ataatsimoortumik paaseqatigiinnermik aamma ataatsimoortumik paaseqatigiinnermik pilersitsissaaq.

Tamatuma saniatigut kommunip angallatinut qaqitsiviutaanut aammalu containerinut inissiisarfiinut ileqqoreqqusat marluusut annikinnerusumik iluarsiivigineqarlutik nutarterneqartariaqaraluartut allaffeqarfimmit nalilerneqarput.

Allaffeqarfimmi Teknikkimut Avatangiisinullu immikkoortortaq innersuuteqarpoq, ileqqoreqqusatut nutaatut siunnersuutaasut marluusut akuersissutigineqassasut kiisalu sapaatit akunnerini arfinilinni tamanit misissugassanngorneqarnissaat siunertaralugu kommunip inissiivissat ileqqoreqqusaat assingusut marluusut nutarterneqassasut kingornalu inaarutaasumik akuersissutigineqarlutik.

### **Innersuussut**

Teknikkeqarnermut avatangiisinullu immikkoortortap innersuussutigivaa siunnersuutit kommunip malittariassatut siunnersuutaasut akuersissanngorlugit Aningaasaqarnermut ataatsimiititaliamut KB-mullu saqqummiunneqassasut,

- 2024-mit 48-p tungaanut Qeqqata Kommuniata Kommunimut pilersaarutaata ilaatut atuuttutut Qeqqata Kommuniani angallatinik qaqitsisarnermut malittariassatut siunnersuut inaarutaasumik akuersissutigineqarnissaa siunertaralugu sapaatit akunnerini arfinilinni tamanit misissugassanngorlugu akuersissutigineqassasut
- 2024-mit 48-p tungaanut Qeqqata Kommuniata Kommunimut pilersaarutaata ilaatut atuuttutut Qeqqata Kommuniani containerinik inissiisarnermut malittarisassatut siunnersuut inaarutaasumik akuersissutigineqarnissaa siunertaralugu sapaatit akunnerini arfinilinni tamanit misissugassanngorlugu akuersissutigineqassasut
- Qeqqata Kommuniani Kommunip angallatinut qaqitsiviutaanut ileqqoreqqusaq 2016-imeersumut allannguutissatut siunnersuut inaarutaasumik akuersissutigineqarnissaa siunertaralugu sapaatit akunnerini arfinilinni tamanit misissugassanngortinneqarnissaa akuersissutigineqassasoq
- Qeqqata Kommuniata Kommunip containerinut inissiisarfiinut ileqqoreqqusaq 2012-imeersumut allannguutissatut siunnersuut inaarutaasumik akuersissutigineqarnissaa siunertaralugu sapaatit akunnerini arfinilinni tamanit misissugassanngortinneqarnissaa akuersissutigineqassasoq

### **Aalajangiineq**

Innersuussutigineqartut akuersissutigineqarput.

### **Ilanngussaq**

1. Qeqqata Kommuniani angallatinik qaqitsisarnermut Malittarisassatut siunnersuut
2. Qeqqata Kommuniani containerinik inissiisarnermut ileqqoreqqusassatut siunnersuut
3. Qeqqata Kommuniata Kommunip angallatinut qaqitsiviutaanut ileqqoreqqusamut allannguutissatut siunnersuut
4. Qeqqata Kommuniata Kommunip containerinut inissiisarfiinut ileqqoreqqusaq

### **Imm. 4.3 Meeqqat Toqqissillutik Ornittagassaat (MTO) suliffeqarfik imminut ingerlatittumut allangortinneqarnissaa**

*Journalnr. 44.19*

#### Tunuliaqutaq

Meeqqat Toqqissillutik Ornittagassaat (MTO) Sisimiuni meeqqanut inuusuttunullu toqqissisimaffiulluni illup iluani sammisaqartitsinernut ingerlatsinermullu aalajangeeqataaffiullunilu ornittagaavoq. INI A/S, Qeqqata Kommunia aamma Østifterne akornanni suleqatigiinneratigut suliniut pilersinneqarpoq, tassani meeqqat namminneq pisariaqartitaat kissaataallu qitiutinneqarlutik.

Illu kommunimit atugassiaritinneqarluni INI A/S-i suliniummut aqutsisuuvoq, Østifterne-lu suleqatigalugu aallartisarneq ulluinnarnilu aqutsineq isumagalugu, tassani Østifterne-mit suliniut 2030-p tungaanut aningaasaliisuulluni. Tamatuma kingorna ingerlatsineq kommunimit tamakkiisumik tiguneqartusaaavoq.

Atuilluartumik ikaarsaarnissap qulakkeernissaanut aammalu MTO namminersortumik ineriartornissaanik periarfissinniarlugu, ornittakap Østifterne-mit iperariartortinneqarnera ilutigalugu kommunimit aningaasaliiffigineqariartugaalersillugu suliffeqarfik imminut ingerlatittumut allangortinnissaa siunnersuutigineqarpoq.

#### Maleruagassatigut tunngavissaq

Allangortinneqarnissaanut aallaavigisat:

Suliffeqarfiit imminut ingerlatittut pillugit inatsit, suliffeqarfinnik imminut ingerlatittunik pilersitsinermut ingerlatsinermullu piumasaqaatinik malittarisartoq.

Ilaatigut ukua Meeqqanut ulloq unnuarlu paaqqinniffinn pilersitsineq ingerlatsinerlu pillugit Namminersorlutik Oqartussat nalunaarutaat nr. 50, 31. Aggusti 2021-immersumi kapitali 4 malillugu Meeqqanut ulloq unnuarlu paaqqinniffiit suliffeqarfittut imminnut pigisutut ingerlanneqartut aamalu Meeqquarivinni kommuninit namminersortunillu pigineqartunit ingerlatsinissamut kommunimik isumaqatigiissuteqartunik kommunalbestyrelsip nalinginnaasumik perorsaanikkullu nakkutilliinera pillugu Namminersorlutik Oqartussat nalunaarutaat nr. 35, 24. September 2020 malillugit.

Kommunip meeqqanut inuusuttunullu akisussaanera, tassani kommunip anguniagai naapertorlugit atuilluartuunissamut, ilinniarnissamut aammalu pisinnaatitaaffinnut atuilluartumik aaqqiissuteqarnissaq qulakkeerneqassalluni.

MIO-p 2023-2025-mut periusissiaa aammalu Meeqqat pillugit Naalagaaffiit Peqatigiit isumaqatigiissutaat, meeqqat aalajangeeqataanissaannik atugarissaarnissaannillu pingaartitsisuusoq.

Kommuni suleqatigisallu aqutsisutut inissisimajutigalutik, MTO suliffeqarfittut imminut ingerlatittutut aaqqiissuussaanermigut inatsisitigut namminersortuutinneqassaaq.

#### Pissutsit atuuttut

*Massakut aaqqisugaaneq imaappoq:*

MTO-mut kommuni illumik atugassaqaartitsisuuvoq.

INI A/S suliniummik aqutsisuulluni aallartisarnermik ingerlatsinermillu isumaginnittuuvoq. 2030-p tungaanut Østifterne aningaasaliisuullunilu pilersaarusiornermut tapersersuisuuvoq.

*Siunissami ilusissaq:*

MTO suliffeqarfittut imminut ingerlatittutut tulliuuttutigut sinniisoqartumik siulersuisulerlugu allanngortinneqassaaq:

INI A/S: 2030 tikillugu pilersaarusiornermut suleqatitit ingerlassaaq.

Østifterne: 2030 tikillugu aningaasaliissuteqassaaq.

Kommuni: Aningaasaqarnikkut akisussaaffiup tigujuartuaarnerata qulakkeernissaa aammalu siulersuisuni siulittaasutut inissisimanissaaq.

Aalajangiinermik ingerlatsinermi meeqqat inuusuttullu qitiutittuarnissaat.

Aningaasaliiffigiartugaarsitsinermut pilersaarut atuutilersinneqassaaq, taamaaliornikkut 2030-p tungaanut kommunimit aningaasaliisarneq tiguneqassalluni.

#### Atuilluartuunissakkut kingunerisinnaasai

Sinaakkutit toqqissisimanartutigut sammisaqartitsinikkullu meeqqat inuusuttullu atuilluarnissaannik ilinniarnissamullu periarfissaannik MTO nukittorsaajuassaaq. Takuuk [Meeqqat](#)

[oqartussaaqataanerat - INI](#) aamma [Meeqqat Oqartussaaqataanerat Sisimiuni - Børnedemokrati i Sisimiut | Facebook](#)

Aningaasaliiffigiartuaarsitsinikkut ajornanngitsumik ikaarsaatitsinissamik qulakkeerinnissaaq, tassani ingerlatsinermut akisussaaffik kommunimit tigujuartuaarneqassalluni, nutaamik aningaasaliisussarsiornermik ujartuineq ilutigalugu.

Suliffeqarfik imminut ingerlatittutut aaqquissuusaanikkut ornittakkap najukkami inuiaqatigiinni pisariaqartinneqartunut naleqqussarnissamik periarfissiissaaq, inatsisitigullu namminersorneq avataanit suleqateqarnissamik aningaasaliiffigineqarnissamullu ammaassisuussalluni.

#### Aningaasaqarnikkut allaffissornikkullu kingunerisinnaasai

*Aningaasaqarneq:*

2030-p tungaanut Østifterne-p aningaasaliisarnerata atorunnaarsikkiartuaarneratigut kommunip aningaasaqarnikkut akisussaaffeqaleriartornera annertusiartuaartinneqassaaq.

Ikaarsaarnerup atuilluatumik ingerlanissaanik qulakkeerisussamik

aningaasaliiffigiartuaarsitsinissamut pilersaarusiortoqassaaq.

Suliffeqarfik imminut ingerlatittutut aaqquissuussaneq avataanit aningaasaliissutinik

aningaasaateqarfinnillu orniginarsaanissamik periarfissiissaaq, tamannalu kommunimit

aningaasaliisoqarnissaanik pisariaqartitsinermik annikilliartuaartitsilissalluni.

*Allaffissorneq:*

Ileqqoreqqusassanik aammalu suleqatigiinnissamik isumaqatigiissutinik suliaqarnissamut

inatsisitigut allaffissornikkullu ikiorneqarnissamik pisariaqartitsisoqassaaq.

Suliffeqarfiup ingerlanneqarneranut ineriartortinneqarneranullu kommuni siulersuisut siulittaasuatut qitiusumik inissisimassaaq.

#### Allaffeqarfiup naliinnera

Allaffeqarfik naliliivoq, MTO-p aningaasaliiffigiartuaartinneqarluni ikaarsaartitsilluni suliffeqarfik imminut ingerlatittutut allanngortinneqarnissaa atuilluatumik ingerlatsinissamut

ineriartortitsinissamullu aaqquissutaasoq pitsaanerpaaq.

Ilusissatut siunnersuutigineqartoq meeqqat aalajangeeqataanissaannik attatiinnartitsissaaq aammalu

kommunip ingerlatsisullu allat akornanni suleqatigiinermik nukittorsaassalluni. Tamatuma

saniatigut aningaasaqarnikkut akisussaaffiup tigujuartuaarneratigut kommunip naapertuuttumik

nukissanik pilersaarusiorsinnaaneramik qulakkeerinnissaaq.

### Innersuussineq

Allaffeqarfiup Ilinniartitaanermut ataatsimiititaliamut, Atugarissaarnermut ataatsimiititaliamut, Aningaasaqarnermut ataatsimiititaliamut Kommunalbestyrelsimullu innersuussutigaa:

1. MTO suliffeqarfittut imminut ingerlatittutut INI A/S-imit, Østifterne-mit aammalu Kommunimit sinniisoqartumik, Kommuni siulersuisut siulittaasuatut inissillugu, siulersuisulerlugu allangortinneqassasoq
2. Ileqqoreqqusanik aammalu isumaqatigiissutinik pisariaqartinneqartunik suliaqarnissamut advokat peqatigalugu naammassinninnissamullu ingerlatsivik pisinnaatinneqassasoq

### Atugarissaarnermut ataatsimiititaliap suliamik sularinninnera

Ataatsimiititaliap 11. februar 2025 ataatsimiinnerani innersuussutigineqartut akuersissutigineqarput.

### **Innersuussut**

Atugarissaarnermut ataatsimiititaliap Aningaasaqarnermut ataatsimiititaliamut Kommunalbestyrelsimullu innersuussutigivaa akuereqqullugu,

1. MTO suliffeqarfittut imminut ingerlatittutut INI A/S-imit, Østifterne-mit aammalu Kommunimit sinniisoqartumik, Kommuni siulersuisut siulittaasuatut inissillugu, siulersuisulerlugu allangortinneqassasoq
2. Ileqqoreqqusanik aammalu isumaqatigiissutinik pisariaqartinneqartunik suliaqarnissamut advokat peqatigalugu naammassinninnissamullu ingerlatsivik pisinnaatinneqassasoq

### **Aalajangiineq**

Innersuussutigineqartut akuersissutigineqarput.

### **Ilanngussat**

Soqanngilaq



**Imm. 8.1 Tamalaat**